



Broj: 13-11-4-4436/25
Sarajevo, 06.02.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Usluge nadzora nad izgradnjom, sanacijom, održavanjem cesta, pješačkih staza i rekonstrukcije objekata uz saobraćajnicu na području Općine Novo Sarajevo“, po provedenom postupku javne nabavke putem otvorenog postupka izabran je slijedeći ponuđač:

SMAJIĆ-INŽENJERING d.o.o. Goražde
sa ukupnom cijenom od 16.261,83 KM

(šestnaesthiljadvijestotinešezdesetjedna i 83/100 konvertibilna marka) sa PDV-om.

II

Za izvršenje ove Odluke zadužuje se Služba za komunalne i stambene poslove i saobraćaj.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-4436/25 od 29.04.2025. godine.

Procijenjena vrijednost javne nabavke sa PDV-om je: 40.000,00 KM (slovima: četrdesethiljada i 00/100 konvertibilnih maraka).

Obavještenje o javnoj nabavci broj: 935-1-2-76-3-141/25 objavljeno je na Portalu javnih nabavki dana 20.05.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Iz Zapisnika sa otvaranja ponuda vidljivo je da su do dana 11.06.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	FM INŽENJERING d.o.o. Sarajevo	39.780,00 KM
2.	GIBL d.o.o. Banja Luka	39.780,00 KM
3.	ENCOS d.o.o. Sarajevo	39.780,00 KM
4.	RADIS d.o.o. Istočno Sarajevo	39.780,00 KM
5.	SMAJIĆ-INŽENJERING d.o.o. Goražde	39.780,00 KM
6.	INSTITUT ZA GRAĐEVINARSTVO „IG“ d.o.o. Banja Luka	39.780,00 KM
7.	TRASA d.o.o. Sarajevo	35.100,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača TRASA d.o.o. Sarajevo, SMAJIĆ-INŽENJERING d.o.o. Goražde, GIBL d.o.o. Banja Luka i FM INŽENJERING d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača INSTITUT ZA GRAĐEVINARSTVO „IG“ d.o.o. Banja Luka Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su ovjerene kopije diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i uvjerenja o položenom stručnom ispitu iz navedenih oblasti za imenovana lica i to kako slijedi: 1 (jednog) diplomiranog inženjera građevinske struke smjer saobraćajnice sa najmanje 5 (pet) godina radnog iskustva i položenim stručnim ispitom, 1 (jednog) diplomiranog inženjera građevinske struke – smjer konstrukcije sa najmanje 5 (pet) godina radnog iskustva i položenim stručnim ispitom i 1 (jednog) diplomiranog inženjera saobraćajne struke – smjer cestovni saobraćaj sa najmanje 5 (pet) godina radnog iskustva.

Ponuđač INSTITUT ZA GRAĐEVINARSTVO „IG“ d.o.o. Banja Luka je u sklopu svoje ponude za diplomiranog inženjera građevinske struke – smjer saobraćajnice Obrada Bosnića dostavio Uvjerenje o položenom stručnom ispitu iz oblasti organizacije građenja i nadzora.

Iz navedenog je vidljivo da ponuđač za navedeno lice nije dostavio uvjerenja o položenom stručnom ispitu iz navedene oblasti, te se ponuda nije mogla uzeti u dalje razmatranje.

Ponudu ponuđača RADIS d.o.o. Istočno Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su ovjerene kopije diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



drugoj državi nastaloj raspadom SFRJ, nakon 06.04.1992. godine) i uvjerenja o položenom stručnom ispitu iz navedenih oblasti za imenovana lica i to kako slijedi: 1 (jednog) diplomiranog inženjera građevinske struke smjer saobraćajnice sa najmanje 5 (pet) godina radnog iskustva i položenim stručnim ispitom, 1 (jednog) diplomiranog inženjera građevinske struke – smjer konstrukcije sa najmanje 5 (pet) godina radnog iskustva i položenim stručnim ispitom i 1 (jednog) diplomiranog inženjera saobraćajne struke – smjer cestovni saobraćaj sa najmanje 5 (pet) godina radnog iskustva.

Ponuđač RADIS d.o.o. Istočno Sarajevo je u sklopu svoje ponude za diplomiranog inženjera građevinske struke – smjer konstrukcije Stojana Milunovića Diplomu o stečenom visokom obrazovanju iz oblasti građevinarstva, odsjek građevinarstvo, smjer građevinarstvo.

Iz navedenog je vidljivo da ponuđač za navedeno lice nije dostavio zahtjevani dokaz o položenoj stručnoj spremi za 1 (jednog) diplomiranog inženjera građevinske struke – smjer konstrukcije, te se ponuda nije mogla uzeti u dalje razmatranje.

Ponudu ponuđača ENCOS d.o.o. Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. a) kao dokaz ispunjavanja uslova tehničke i profesionalne sposobnosti ponuđača zahtijevano je uspješno iskustvo u realizaciji 2 (dva) ugovora u posljednje 3 (tri) godine, računajući od dana objave Obavještenja o predmetnoj javnoj nabavi ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, a koji se odnose na usluge vršenja nadzora nad održavanjem cesta, pješačkih staza i rekonstrukcije objekata uz saobraćajnicu.

Kao dokaz ispunjavanja navedenog uslova zahtijevane su 2 (dvije) potvrde o uspješnoj realizaciji ugovora koji se odnose na usluge vršenja nadzora nad održavanjem cesta, pješačkih staza i rekonstrukcije objekata uz saobraćajnicu.

Ponuđač ENCOS d.o.o. Sarajevo je u sklopu svoje ponude dostavio dvije potvrde od kojih se jedna odnosila na pružanje usluga stručnog nadzora građevinsko-zanatskih radova nad servisnim objektima i objektu trafo stanice, te stručni nadzor nad vanjskim uređenjem, u okviru projekta stručnog nadzora na izgradnji vjetroparka IVOVIK 84 MW u Livnu.

Iz navedene potvrde nije vidljivo da je ponuđač uspješno realizovao ugovor koji se odnosio na usluge vršenja nadzora nad održavanjem cesta, pješačkih staza i rekonstrukcije objekata uz saobraćajnicu, te se ponuda nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	TRASA d.o.o. Sarajevo	35.100,00 KM
2.	FM INŽENJERING d.o.o. Sarajevo	39.780,00 KM
2.	GIBL d.o.o. Banja Luka	39.780,00 KM
2.	SMAJIĆ-INŽENJERING d.o.o. Goražde	39.780,00 KM

Ponude ponuđača TRASA d.o.o. Sarajevo, FM INŽENJERING d.o.o. Sarajevo, GIBL d.o.o. Banja Luka i SMAJIĆ-INŽENJERING d.o.o. Goražde su unesene u sistem e-nabavki i zakazana je e-aukcija, koja je

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



održana dana 16.06.2025. godine s početkom u 12:00 sati, i koja je trajala 1 (jedan) sat i 42 (četrdesetdvije) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač SMAJIĆ-INŽENJERING d.o.o. Goražde ponudio najnižu cijenu koja iznosi 13.899,00 KM (slovima: trinaesthiljadaosamstotinašezdesetdevet i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjeno cijene nakon provedene e-aukcije*
1.	SMAJIĆ-INŽENJERING d.o.o. Goražde	13.899,00 KM	16.261,83 KM	59,12 %
2.	TRASA d.o.o. Sarajevo	13.900,00 KM	16.263,00 KM	53,67 %
3.	FM INŽENJERING d.o.o. Sarajevo	15.191,00 KM	17.773,47 KM	55,32 %
4.	GIBL d.o.o. Banja Luka	33.000,00 KM	38.610,00 KM	2,94 %

* Označava približnu vrijednost procentualnog umanjivanja nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču SMAJIĆ-INŽENJERING d.o.o. Goražde dodijeli Okvirni sporazum na period od 2 godine, čija ponuda je ocijenjena kao najpovoljnija, na osnovu kriterija najniža cijena, a po provedenoj e-aukciji, u ukupnom iznosu ponude od 16.261,83 KM (šestnaesthiljadavijestotinešezdesetjedna i 83/100 konvertibilna marka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA

Prof. dr. Benjamina Karić



Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

